



Tre generazioni di furlans a Toronto

Chel cûr furlan che al bat in Canada

Il Canada al è un dai Paîs plui leâts al Friûl parcè che par tradizion al è stât tiere di emigrazion furlane in Americhe dal Nord, massime dopo de Seconde Vuere mondiâl.

Par contâ lis storiis professionâls e personâls dai tancj furlans che a àn vivût in Canada e a àn contribuît al disvilup socioeconomic di chel Paîs, cence dismenteâ lis lôr lidrîs, la Cjamare di Cumierç di Udin e à publicât 'Friulians in Canada', di **Sara Rolfe Prodan**, prodot in coedizion cun **Forum** Editrice Universitaria Udinese e cul patrocini de Regjon, e realizât cul contribuît de Bancje populâr di Cividât, che

al sarà presentât miercus ai 25 di Fevrâr a Toronto. Chest volum al è un omaç a cui che al à scugnût o al à savût olsâ, al à lassât il Friûl e al è rivât a costruîsi une vie di sucès, sigûr no facile, ma simpri positive.



Primo Di Luca

SEGNÂL DI MERIT

Segnâl di merit pes personis, sigûr, ma ancje pal Paîs che ur à dât bon acet. "Chest libri - al à dit **Primo Di Luca**, consul onorari dal Canada in Friûl - al fevele di lavoradôrs, imprenditôrs, artesans, leader politics e al conte i agns dificii di cui che nol à vude pôre di partî, cence istruzion, cence cognossi la lenghe. La vo-

Il libri, prodot de Cjamare di Cumierç di Udin e de **Forum** editrice universitaria udinese, al conte dai tancj che a àn vivût tal Paîs nordmaericano, cence mai dismenteasi des lôr lidrîs.

» DI **CHRISTIAN ROMANINI**

lontât, però e jere grandonone e chest al è ce che al à rindudis pussibilis tantis storiis positivis".

Il volum al fâs omaç, traviers di une schirie di storiis e biografiiis une vore simbolichis, il leam Friûl-Canada e ducj chei furlans emigrâts tal grant Paîs nordamericano che li a son rivâts a fâ une imprese e a fâsi un avignû, cun impegn e talent, rivant a otignî risultâts di grant sucès.

STORIIS DI VUÊ

Storiis nancje tant distantis di chês di vuê, stant che il Consolât canadês, che al à sede propit li de Cjamare di Cumierç, al è diventât pont di riferiment no dome pes impresis interessadis a inviâ o consolidâ la lôr posizion in Canada, ma ancje pai privâts. Il Consolât, difat, al à viodût a cressi lis domandis di bande dal public, massime in mert aes oportunitâts di vore di bande di zovins e neolaureât, ma ancje di professioniscj tant che avvocats, medis, inzegnrîs. "Il consolât al ricêf une medie di dis telefonadis in dì e une desene di visitis par setemane - al sclaris Di Luca - e al à plui di mil e 600 mail di domandis diferentis, de normâl ativitât consolâr ai contats cu lis aziendis par cirî gnovis oportunitâts professionâls".



ilfriuli@ilfriuli.it